



Šemsudin Mehmedović

Broj: 01-50-1-1237-1/25

Sarajevo: 30. 6. 2025. godine

PREDSTAVNIČKI DOM

PARLAMENTARNE SKUPŠTINE BOSNE I HERCEGOVINE

n/r predsjedavajućeg



PRIMLJENO: 30-06-2025			
Organizaciona jedinica	Klasifikaciona oznaka	Radni broj	Broj priloga
BOSNA I HERCEGOVINA PARLAMENTARNA SKUPŠTINA BOSNE I HERCEGOVINE			

01-50-1-1237/25

U skladu s čl. 170. i 171. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 53/22) postavljam sljedeće

DOPUNSKO ZASTUPNIČKO PITANJE ZA AGENCIJU ZA DŽAVNU SLUŽBU BOSNE I HERCEGOVINE

Potrebno je da Agencija za državnu službu Bosne i Hercegovine dostavi kopije svih odluka Agencije o imenovanju članova komisija za izbor državnih službenika za sve komisije koje su imenovane za javne oglase u periodu od 10. 9. 2023. do 28. 5. 2025. godine.

U skladu s članom 171. st. (2) Poslovnika Predstavničkog doma odgovor u pisanoj formi mora se dostaviti **u roku od 30 dana** od dana kada je pitanje dostavljeno onome kome je upućeno.

Zakonom o parlamentarnom nadzoru („Službeni glasnik BiH“, br. 25/18) propisane su sankcije za neodgovaranje na poslanička pitanja (član 64. stav (1.) tačka a) i b) Zakona).

Obrazloženje

Agenciji za državnu službu Bosne i Hercegovine postavio sam zastupničko pitanja u kojem sam tražio da mi dostavi kopije svih odluka Agencije o imenovanju članova komisija za izbor državnih službenika za sve komisije koje su imenovane za javne oglase u periodu od 10. 9. 2023. do 28. 5. 2025. godine. Kopije se mogu dostaviti ili u papiru ili u elektronskoj formi.

Agencija mi je dostavila tabelarni pregled koji uopće nisam tražio, a kopije su mi potrebne kako bih imao podatak za koja konkretna radna mjesta su imenovane pojedine komisije. Na osnovu kopija namjeravam sačiniti analizu vezano za podobne pojedince koji uživaju ogromno povjerenje direktorice Agencije i imenovani su po pet i više puta u komisije.

Od 2023. godine do 20. novembra 2024. godine od 20 pomoćnika ministara i direktora, na pozicije rukovodećih državnih službenika, u stalni radni odnos primljena su samo tri Bošnjaka, čak 11 Srba i šest Hrvata. Znači, zaposleno je četiri puta više Srba od Bošnjaka i Hrvata duplo više od Bošnjaka.

Izgleda da za najvažnije rukovodeće pozicije u državnoj službi **“jednostavno nema dovoljno dobrih kandidata Bošnjaka”**. Biće zanimljivo analizirati koji su to članovi konkursnih komisija dali najveći doprinos da se izabere što manje kandidata Bošnjaka.

Članom 6. Zakona o parlamentarnom nadzoru propisano je da zastupnici provode nadzor nad radom institucija Bosne i Hercegovine postavljanjem zastupničkih pitanja, a članom 7. stav 2. istog zakona, utvrđeno je da se parlamentarni nadzor provodi radi preventivne zaštite od zloupotrebe položaja i ovlaštenja, materijalnih i finansijskih resursa.

S poštovanjem,

ZASTUPNIK PS BiH
Šemsudin Mehmedović

